

詩集  
鳴原堂論文集

足本  
曾文正公全集

乙亥二月

杜就田署



# 曾文正公詩集目錄

## 卷一

- 詠史五首，  
里胥，  
歲暮雜感十首，  
寄郭筠仙浙江四首，  
雜詩九首，  
送凌九歸，  
送吳榮楷之官浙江三首，  
題錢崙仙同年慈平竹安圖二首，  
送楊春皆歸，  
題毛西垣詩集後，即送之歸巴陵五首，  
題顧南雅先生畫梅應何子貞，  
三十二初度次日書懷，  
憶弟二首，  
寄懷劉孟容，  
早起憶九弟二首，  
得郭筠仙書竝詩，卻寄六律，  
傲奴，

## 曾文正公詩集 目錄

- 題周小邨前輩塞外課經圖，  
瓊瑣行戲簡何子敬，乞醃菜，  
地用莫如馬二章，  
反長歌行，  
漫興，  
寄弟三首，  
獨出，  
訪苗先釐，  
懷劉蓉，  
題畫蘭三首，應田敬堂同年，  
贈何子貞前輩，  
題唐鏡海先生二圖，  
題龍九詩，  
聞客話里中近事，  
歲暮雜感十首。  
(凡八十五首)

## 卷二

曾文正公詩集 目錄

感春六首，

元戎，

溫甫讀書城南，寄示二首；

早發沔縣遇雨，

初入四川境喜晴，

爲何大令題明趙忠毅公鐵如意，

贈李生，

桂湖五首，

梓潼道中有懷馮樹堂陳岱雲，

早發武連驛憶弟，

入陝西境六絕句，

西征一首，呈李石梧前輩，

留侯廟，

柴關嶺雪，

廢邱關，

三十三生日，三首，

讀李義山詩集

國士橋，

至日二首，

岱雲同年喪妻，爲此詩譬之，

喜筠仙至，卽題其詩集後，

雨，

寄弟，

哭少時同學某，

送吳英樾之官浙江，兼簡魏黃生大令，三首，

六月二十八日大雨，馮君樹堂，周君芥農，郭君筠仙，方以試

事困於場屋，念此殆非所堪，詩以調之，

芥農既和余詩，而三子者皆見錄於有司，乃復次韻，

送妹夫王五歸，五首，

送鄧伯昭兼簡家伯醇秀才，三首，

莫過竹如，

題明陳忠愍公雪聲堂硯，爲唐觀察樹義作，

詡九弟，四首，

乙巳春闈，謝戴醇士前輩書竹，

題畫竹次醇士前輩韻，二首，

題醇士前輩爲溟生師畫竹，疊前韻，

請醇士前輩畫竹，歸貽樹堂，題詩一首，

又贈筠仙一幅，

謝岷樵，

送王子壽歸荊州五首，以『高步追許由』爲韻，

移居偶成，

贈梅伯言，二首，

送陳岱雲出守吉安

夜直苦寒

吳宮黃病中屬市鹿尾

臘八日夜直

(凡八十首)

### 卷二

丙午正月二日作

題篋谷圖

陳慶覃詩鈔題辭三首

憩紅詩課戲題一詩於後

送王孝鳳之雲南即題其尊人松菊圖

題錢崙仙蠶燭修書圖

題孫君采芝圖二首

書朱皋亭家傳後

誚陳慶覃侍御

送周文泉大令之官城武

小池

東林杜氏義塾

茲晨

失題

題泛海圖

送凌十一歸長沙五首

送謝果堂前輩歸江南

失題四首

秋懷詩五首

誚薛曉颿

題王少鶴饗砧課讀圖

送王少鶴

丙午初冬寓居報國寺賦詩五首

送舒伯魯

劉窈詩

送莫友芝

題彭旭詩集後即送其南歸二首

丁未六月七日考試漢教習試院作二首

六月廿一爲歐陽公生日集邵二寓齋分韻得「是」字

誚李生三首

次韻戴醇士邵蕙西見過

題平谷山莊圖

武會試闈中作

題梅伯言扁舟歸養圖二首

書嚴太守大關賑糶詩後

曾文正公詩集 目錄

四

送黎樾喬侍御南歸，六首，  
題季仙九師采蘭蕪菊圖，  
題張石舟煙雨歸耕圖，  
(凡六十七首)

卷四

送孫芝房使貴州，二首，  
書邊袖石詩集後，二首，  
太學石鼓歌，

題朱伯韓侍御之尊人詩卷手蹟，

題朱伯韓詩集後，十首，

送梅伯言歸金陵，三首，

送黃恕皆使秦中，

北堂侍膳圖爲姚吏部題，二首，

題陳氏五世鄉賢遺像，

韓齋爲孔舍人題，

桐陰消暑圖爲史吏部題，

題苗先麓寒鐙訂韻圖，

養閒草堂圖爲潘博士題，

陶太常小像，

題篔簹谷圖，

答李生，

送唐鏡海先生，九首，

謝疊山賣卜研爲劉太守題，

酬李莘仙，二首，

會合詩贈劉孟蓉郭伯琛，

題楊忠愍公二疏手草，

次韻何重昉太守感懷述事，十六首，

題易公筠亭遺像，

王母方太夫人，

壬戌四月，沅弟克復巢縣和州含山等城，賦詩四首，

沅圃弟四十一初度，十三首，

題唐本說文木部應莫邵亭孝廉，

贈吳南屏，

讀吳南屏送毛西垣之卽墨長歌，卽題其集，二首，

游金山觀東坡玉帶詩，

贈李眉生，

題俞蔭甫羣經平議諸子平議後，

誦王王秋徐州見贈之作，

伎求詩二首，  
(凡八十六首)

# 曾文正公詩集卷一

詠史五首

卽惡有賢宰，四鄰戒侵陵。惡犬守門閭，乃爲盜所憎。易如振落葉，乘鄣孰蹶興？重傷禽二毛，龜暴賊所應。文王事昆夷，隳喙亦何曾？大氣舉六合，中難其奚勝。功高而不賞，謠詠來青蠅。吳起泣西河，伏波觸炎蒸。長城訖自壞，使我涕沾膺！

莫民在辭憚，渙汗自古重。人心有激宕，天意方頹洞。無辜或于罹，有罪覆解縱。九關森虎豹，闕越不可訟。長星十丈餘，白日墮靈霧。翺飛逐醜殺，燕雀爾何閑。嘉彼借劍子，憤切言絕痛。賁檻示含容，讜說格不用。噫乎天蓋高，勿毀家父誦。

航觥孔大夫，經術致通侯。不如說災異，京翼多忠謀。奎爾化爲茅，蕭艾莫好修。折衝無精神，夸毗徒體柔。九有而畏人，君知所謂不？喟然布體肢，營魂久漂流。一朝冒六氣，何以葆春秋？

萬物盜天地，豈況鼠在倉？大木忽顛揭，所食與俱亡。筦子椎魚鹽，本在四維張。蚩蚩足衣食，相與存紀綱。磊磊瞻紫宮，中官尊且彊。銀河界清淺，列舍但遙望。天錢與列肆，箕舌終夕張。咄哉左執法，知案羽林郎。

虞舜明四目，世乃請重瞳。淵魚察不祥，舉鬻失蛟龍。往再支大廈，焉知棟橈凶？千金購國醫，當在草澤中。汪秦匿肘腋，宗李知

無功。開元變天寶，舉世思姚崇。生民有治亂，悵望風雲空。

里胥

牛羊忽竄突，邨社雜喧逐。昨聞府牒下，今見里胥來。召募赴戎行，羽檄馳如雷。後期不汝宥，行矣胡遲徊。老嫗搥胸哭，哭聲亦何哀。龍鍾六十餘，伶仃惟一兒。弱小不識事，黃犢母之隨。筋力儘可食，或免一家飢。薄命不足惜，兒去傷永離。老嫗泣未闌，老翁跪致辭。王事亦云棘，婦人那得知。螻蟻穴寸土，自荷皇天慈。天威有震疊，小人敢疑猜。貧者當敵愾，富者當輸財。便當遣兒去，不勞火急催。所媿無酒食，與吏佐晨炊。貧者勉自效，富者更可悲。隸卒突兀至，誅求百不支。荷荷執袴子，纍纍飽鞭笞。前卒貪如狼，後隊健如犛。應募幸脫免，傾蕩無餘貲。吁嗟朝廷意，兵以衛民爲。守令愼其柄，無使胥吏持。此輩如狐鼠，藜藜肆恣睢。聊爲適人徇，敢告良有司。

歲暮雜感十首

芒屨鎮日踏春還，殘臘將更卻等閒。三百六旬同逝水，四千餘里說家山。緇塵已自沾京雒，羌笛何須怨玉關。爲報南來新雁到，故鄉消息在雲間。

高帽山下是儂家，歲歲年年鬪物華。老柏有情還憶我，天桃

無語自開花。幾回南國思紅豆；曾記西風浣碧紗。最是故園難忘處，待鶯亭畔路三叉。

莽莽寒山匝四圍，眼穿望不到庭闈。絮飄江浦無人管，草綠湖南有夢歸。鄉思怕聽殘漏轉，逸情欲逐亂雲飛。敬從九烈神君訴，遊子於今要換衣。

去年此際賦長征，豪氣思屠大海鯨。湖上三更邀月飲，天邊萬嶺挾舟行。竟將雲夢吞如芥，未信君山刳不平。偏是東皇來去易，又吹草綠滿蓬瀛。

紛紛節候儘平常，西舍東家底事忙。十二萬年都小劫，七千餘歲亦中殘。蜉蝣身世知何極，胡蝶夢魂又一場。少昊笑儂情太寡，故堆錦繡富春光。

韶華彈指總悠悠，我到人間廿五秋。自愧望洋迷學海，更無清福住糟邱。尊前瓦注曾千局，腳底紅塵卽九州。自笑此身何處著，笙歌叢裏合閒遊。

爲賦爲否兩蹉跎，搔首乾坤踏踏歌。萬事拚同駢拇視，浮生無柰繭絲多。頻年蹤迹隨波謔，大半光陰被墨磨。匣裏龍泉吟不住，問予何日斫蛟鼉？

舊雨曾遺尺鯉魚，經年不報意何如。自從三益睽違久，學得五君世態疏。碧樹那知離別恨，青燈偏照故人書。殷勤護惜金鑪鴨，香火因緣付與渠。

擬學坡公讚歲詩，花箋何處寄相思。陽和未老韶先做，暖氣

初回鳥竟知。遊子情懷隨地遠；天家雨露及時施。小儒莫獻昇平頌，幸傍龍樓覩上儀。

鑿鑿歲鼓走輕雷，竹馬兒童綵戲纒。仙仗九重圍霧住，宮花一萬鎖煙開。迷離佳氣從空繞，不斷狂香拂面來。我比春風尤放蕩，長安日日聘龍媒。

寄郭筠仙浙江四首：

一病多勞勤護惜，嗟君此別太恩恩。十年辛苦詩書裏，強半光陰道路中。更走會須營窟穴，鴻飛原不計西東。讀書識字知何益，贏得行蹤似轉蓬。

礪石透連起陣雲，樓船羽檄日紛紛。螳螂竟欲當車轍，鸛髀安能抗斧斤。但解終童陳策略，已聞王歛立功勳。如今旅夢應安穩，早絕天驕盪海氛。

無窮志願付因循，彈指人間三十春。一局楸枰處變幻，百圍梁棟藉輪困。蒼茫獨立時懷古，艱苦新嘗識保身。自愧太倉糜好爵，故交數輩尙清貧。

向晚嚴霜破屋寒，娟娟纖月倚檣端。自繙行篋殷勤覓，苦索家書展轉看。宦海情懷蟬翼薄，離人心緒繭絲團。更憐吳會飄零客，紙帳孤燈坐夜闌。

雜詩九首：

早歲事船槳，做兀道前軌。張網挈陬維，登山造岌嶮。述作覓韓愈，功名鄰侯儼。三公渺如梯，萬金睨如屣。腸胃鬱千奇，不敢矜

爪鬚稍待蘭蕙滋，烈芬行可喜。豈期搃鶯駘，前驅不踰閤。滔滔大江流，年光激若矢。春秋三十一，頑然亦如此。染絲不成章，橘遷化爲枳。壯盛百無能，老蒼真可恥。楞散吾所甘，多是慚毛裏。

西山何鬱鬱，白日馳昭昭。六街淨如練，雙闕凌神霄。沈沈府中居，員井鏤瓊瑤。翠巖周四角，騰霧漾鮫綃。公子盛文藻，九陌鳴金鑣。羣從袂成幄，掠風馬蹏驪。紅舞舞絳雪，會宴皆金貂。朝餐羅鯖鯉，晚衙涉笙簫。今夕旣相醉，明日還見招。天高地則厚，何事不逍遙。

手斂不烘熨，足趺不趨蹌。問我何自苦，我歌君且聽。激湍無駐波，止水光凝凝。橫棟與樽榼，豈曰非天定。東菑代虹梁，於道未爲稱。稠菌濡濃露，天天不及嘆。適意一須臾，骨朽猶話病。可憐繁華子，醉夢幾時醒。炫妝豈無服，自媒羞妾媵。已矣吾何營，閉戶覽明鏡。

傷禽悲弦聲，遊魚驚月影。丈夫貴倔強，女子多虛警。強弧有時弛，夷塗有時梗。颶風揚海濤，潮平已復靜。君子別有憂，衆人恐未省。

霜落萬瓦寒，天高月皓皓。美人在何許，相思心如擣。我昔覲美人，對面如蓬島。神光薄軒墀，朱霞澆初曉。彩鳳儀丹霄，顧視無凡鳥。意密恩還疏，微誠不敢道。貽我彤管煒，察兮希世寶。可憐金屋恩，長門闕秋草。謠詠日以多，覲閱曾不少。寵眷難再得，蛾眉行衰老。區區抱私愛，夜夜祝蒼昊。

曾文正公詩集 卷一

天雞鳴半夜，六合未清曉。烏鵲鳴回晨，羽毛誇矯矯。一旦金丸驚，戢翼暗百鳥。鴟鴞流惡聲，萬方憂集。夢青蠅鳴棘，樊繆彰復。虛鼎間鳴，百無補。嗟爾秦吉了，螻蟻草間鳴，亂人徒擾擾。

入門忽怳怳，出門復皇皇。嗟我素心人，各在天一方。庸夫厭鼎食，誼士謀糟糠。奔走遍天下，歸去仍空囊。秋老江湖闊，何以慰淒涼。勿勞我之思，我今足稻粱。所憂非所職，所樂殊未央。日暮登高邱，四顧何茫茫。落葉東南飛，孤雁西北翔。思君不得覩，慘澹詠斯章。

松柏翳危巖，葛藟相鉤帶。兄弟非它人，患難亦相賴。行酒烹肥羊，嘉賓填門外。喪亂一以聞，寂寞何人會。維鳥有鷓鴣，雜獸有狼狽。兄弟審無猜，外侮將予奈。類爲同岑石，無爲水下瀨。水急不可磯，石堅猶可磕。誰謂百年長，倉皇已老大。我逸而斯征，辛勤共羸羸。來世安可期，今生勿玩愒。

誰能烹雋燕，我願燎桑薪。誰能釣巨鼈，我願理其綸。南澗筆蹟藻，可以羞鬼神。大材與小辨，相須會有因。嗟余不足役，豈謂時無人。

送凌九歸

白日杲杲黃埃飛，君胡少住遽言歸。萬族由來各有託，借問君心何住著。自言暫歸奉晨昏，溫席不暖還出門。丈夫生世會有適，安能側身自踟躕。南箕北斗徒虛名，東走西顧知何益。弊折已覺素心違，璞獻況逢俗眼白。要將萬舞誇輝光，肯爲兩言求恩澤。



皇天畀我非不豐，平生長策能固窮。一飽那爭雞鶩食？萬事從付馬牛風。君家才望人所豔，兄弟縱橫兩龍劍。霜鬢覲教長坂蹶，雲漢終向天庭拔。即今歸去慎勿稽，歲時努力謀鹽齎。綵衣好娛老萊母，椎髻尚有梁鴻妻。我亦屢尋還鄉夢，年年送人頗自諷。送君無酒爲君歌，楊花如海黍愁何。

送吳榮楷之官浙江三首

讀書三十年，今來始一試。自抱輪囷材，構廈隨所置。世人苦寒儉，舞袖先擇地。斤削不能選，罍盎各自器。君子儲百用，多藏如列肆。深厲與淺揭，所向皆如志。君本青雲士，摩空排健翮。置之承明廡，枚馬當偃幟。才多厭閒散，翩然去作吏。方今清華秋，駢拇僅云備。不如膺專城，張弛從吾意。觀魚莫結網，網過酷於餌。治絲莫求多，緒多亂神智。聖朝淪治息，阪蕩實漸被。可憐蚩蚩氓，惇惇還好義。願君體弟思，隨時勞撫字。

西湖吾未到，夢想若遇之。荷花夏如海，當春萬柳垂。秋月隨潮湧，暮靄天無涯。三百六十寺，嵐翠渺迷離。君去事幽討，抉剔發天倪。餘慳收昔逋，奇賞獲新知。朝餐吸山綠，暮雨張水嬉。尋碑喚梅癡，獨往無人隨。政成無一事，風流方在茲。懷抱一如彼，江山復如斯。此樂可持贈，寄我千首詩。

鄉閭昔相從，殷勤託詩酒。再來長安道，舟車竝攜手。如今彌曠遠，脫然絕窠臼。少年尚意氣，崢嶸各自狂。風塵飽所諳，蒼然皆老醜。激湍亦已平，真氣充戶牖。相見無藩籬，灑落真吾友。昨夜秋

風來，嫋嫋涼生柳。念子當乖離，旁皇如失守。萬族各有營，歡聚焉可久。意趣苟無違，秦越如左右。後會知何年，今茲歲在丑。

題錢崑仙同年慈竹平安圖二首

冉冉南山竹，柯葉互檀欒。上石一片雲，下有九畹蘭。清風相戛擊，虛碧鳴秋寒。鈴鐸走鞭散，抗衡勁節干。養成兩雛鳳，文采何婀娜。高枝足棲宿，芳實供朝餐。歸昌忽采律，言振九霄翰。引吭發鈞奏，俯視失鸕鷀。願顧貧簞谷，依舊青琅玕。年年託美蔭，歲歲祝平安。

紅塵日夜深，遊子思無已。倦鳥有時還，桑弧有時弛。我有山中廬，樺籬夾綠水。修竹倚大椿，重重互幡纒。發條播芳蕤，清陰亦何美。依戀會有因，庶往恭桑梓。殷勤寸草心，區區方在此。

送楊春皆歸

去年同送蕭郎歸，心如風幡亂掀簸。今君告歸亦何遽？臨別無言但兀坐。君才捷敏非常儔，早時羣書讀已破。堆案細字如毫毛，擲筆新詩成咳唾。竭來燕市聘逸足，聊隨鴛鴦爭芻葦。出門百錢買犢車，入戶一編旋蟻磨。虛牝擲金古所悲，五年長安竟坎壈。剖瓠作尊何所容，種柏傍石終不大。首途雖舛心愈雄，懷寶空奇時難貨。嗟余昏懦百無能，與世越趨動得過。忽逢良友相鑄磨，有似酒狂得史佐。隔日一見歡未闌，鼓缶鳴箏唱復和。削除壘嶮得平夷，厭見俗氛揚坳堦。可憐俠氣干層雲，時有忠言豁四座。一麾從此悵分離，萬事何當付嬾惰。方今廊廟構羣材，搜林剔穴行可

買。看君形容不易凋，顧此芒刃豈終捩？明年仍騎瘦馬來，滿面還受緇塵灑。

題毛西垣詩集後，卽送之歸巴陵，五首：

伐木截兩端，半作犧尊半溝壑。南鄰北里輕薄兒，昨日薰騰今冷落。巨屨小屨天所區，焉能屑屑齊美惡。勸君把酒持雙螯，百年爛醉拚嬉遊。不學陋儒談狗曲，修褻整巾徒碌碌。

歐君昔言鄉國彥，汝與吳生皆狂狷。看汝織古得新機，惜哉弋時無急箭。獨抱質，佞辭雕鑄，世人皆憎我獨羨。金盤銀釀有時灰，得不重顧餅與盞。

朝誦幽通賦，夕吟顯志篇。咄哉此子頗聞道，煩毒迷惑劇可憐！古來騷人都如此，君亦苦語相糾纏。日月瀟灑百蟄蘇，老抱幽憂胡爲乎？

長溪江頭白髮翁，扁舟如瓦飄西東。船頭得魚船尾煮，罾子哈笑老婦聾。王稅早輸百無事，從古不遇打頭風。君家正臨洞庭水，一飽弄舟樂何底？舍此他求真左矣！

我生乾坤一贅人，逐眾轉徙如飛蚊。袞袞臺省無相識，紛紛時事了不聞。門外車馬何隱鱗，獨立階下看浮雲。君今歸哉渺千里，我方塵土無窮已。

題顧南雅先生畫梅，應何子貞。

詩老餐冰老更臞，傾身謀醉一錢無。忽然嚼梅供大噉，笑吐滿紙森模糊。當時酒徒相饋餉，至今遺墨何清腴。平陵公子亦好

事，巧偷豪奪無罪辜。時將巨障補空壁，已覺暗香來座隅。長安一雪寒切膚，冷官瑟縮同圍爐。開眼忽到西湖上，四更殘月孤山孤。我聞繪事通草隸，此語自古誰云誣？何君作書妙天下，生吞百虎心膽麤。世人祇解傳振蠟，獨能養氣真吾徒。莫言書畫直小道，不到聖處寧堪娛？呼嗟詩老不可作，君雖抱此徒區區。

三十二初度次日書懷

男兒三十殊非小，今我過之詎足歡！齷齪瓶瓶噉噉器小，酣歌鼓缶已春闌。眼中雲物知何兆，鏡裏心情祇獨看。飽食甘眠無用處，多慚名字偶鴛鴦。

憶弟二首

無端繞室思茫茫，明月當天萬瓦霜。可惜良宵空兀坐，遙憐諸弟在何方？紛紛書帙誰能展，豔豔燈花有底忙？出戶獨吟聊妄想，孤雲斷處是家鄉。

忽憶他時裏水上，惡風半夜撼春雷。舟人捩舵聲同泣，客子扶牀面已灰。仰荷皇天全薄命，信知浮世等輕埃。汝今歸去復何似？回首首世途誠險哉！

寄懷劉孟容

清晨采黃鞠，薄莫不盈盞。寧知弟昆好，忍此四年別。四年亦云已，萬事安可說？昔者初結交，與世固殊轍。垂頭對燈火，一心相媚悅。炯然急難情，癸癸光不滅。漣漪一揮手，南北音塵絕。君臥湘水湄，辟人苦扁鑄。懷璧誤一投，已遭官長削。我作燕山囚，衾裯冷

如鐵。塵上塞中腸。經旬開嘔泄。夢魂互往還。邂逅在蟠嶼。君魂畏  
 豺虎。我魂阻蛇蠍。明年會長沙。對牀殊咄咄。可憐郭生賢。日夜依  
 我闌。三子展殷勤。五旬恣猖獗。自從有兩儀。無此好日月。決渠東  
 西流。人事有蹉跌。當時別江干。懸知成久闊。郭生從我行。再踏長  
 安雪。東蒿真廊廟。塗丹強作闌。磐松困澗底。千歲老不屈。行藏一  
 以歧。會合焉可必。知君障汚塵。憎我逐煩熱。摧爾搗作礮。本鑿固  
 難奪。皇天造羣倫。位置各成列。煌煌帝者都。峩峩集動閭。前庭充  
 組圭。後閣煖清瑟。大馬疾如飛。高車如電掣。陋巷時騎過。牆震牕  
 紙裂。而我支肘眠。朦朧兀頑劣。視蔭呼晚飯。終年曾不缺。癡兒亦  
 肯堂。四齡已饜養。所愧偷太倉。無異哀窮乞。羨君老巖阿。閒味甘  
 於蜜。嗟哉趣豈殊。所處良不一。坦蕩觀皇途。轉側思家室。永懷素  
 心人。悠悠難具述。

早起憶九弟二首

別汝經三月。音書何太難。夜長魂夢苦。人少屋廬寒。骨肉成  
 飄泊。雲霄悔羽翰。朝朝鳥鵲噪。物性固欺謾。  
 高餘詞賦好。隨衆頌康哉。報國羌無力。擎天別有才。寒雲迷  
 雁影。遠道望龍媒。百尺金臺矗。看君蹀躞來。

得郭筠仙書。並詩卻寄六律

展轉看書字。嗟君亦老蒼。昊天真藐藐。白日故堂堂。與子相  
 期事。窮年恐不償。憂來聊飽食。吾壽會無央。  
 大雅悲淪歇。斯文久不存。至情宜倔強。吾道有籬藩。仰首呼

虞舜。狂歌答屈原。自非君子性。茲意固難論。  
 垂耳甘芣豆。儒冠信誤人。長爲羈旅客。嗟汝少年身。物極能  
 思返。天心會好仁。鹿鳴歌旨酒。滴滴入君唇。  
 閒觀物化。耿耿究時喧。讀士羞要譽。廉夫重報恩。賈僧惟  
 片語。求福實多門。種蕙怡幽獨。歸休勿復言。  
 昨來殊不適。日落獨登樓。西北看遼瀋。東南望海陬。蒼茫懷  
 百代。浩蕩足千愁。書肚思長策。嗟余肉食謀。  
 日日懷劉子。時時憶郭生。仰天忽長歎。遶屋獨巡行。雲暗乾  
 坤隘。風來戶牖鳴。孤吟無與賞。寸恨浩縱橫。

傲奴

君不見蕭郎老僕如家雞。十年答楚心不攜。君不見卓氏雄  
 資冠西蜀。曠使千人百人伏。今我何爲獨不然。胸中無學手無錢。  
 平生意氣自許頗。誰知傲奴乃過我。昨者一語天地睨。公然對面  
 相勃谿。傲奴詎我未賢聖。我坐傲奴小不敬。拂衣一去何翩翩。可  
 憐傲骨撐青天。噫嘻乎傲奴。安得好風吹汝朱門權。要地看汝倉  
 皇換骨生百媚。

題周小邨前輩寒外課經圖

肉食多亨途。通儒遭百閱。時蹇心匪乖。身窮道未吝。周君信  
 奇侏。天機苦捷傲。昔歲乘青驄。羣飛畏秋隼。偶被金丸驚。可憐翠  
 羽隕。十年遼海行。九月邊風緊。銅雀夢觚棲。鐵衣錦繡純。自信茲  
 遊豪。甘受世人哂。日日拘叢書。森森如束筴。吾道儘欲東。獨善良

不忍。此邦盛琳琳，多士紛籩簞。斧斤試一施，穀率聊可引。弟子初反車，先生大倒困。文囿張百旃，經緡接千畛。但期道傳薪，未要歸載翻。昨者唱刀環，塞外回文軫。勝事告友朋，餘味足咀吮。方今柄師儒，華秩半卿尹。虎觀車如龍，辟雍市如蜃。會看招旌旆，且須嚴鞞鞞。稽古榮復榮，吾言非蠢蠢。

瑣瑣行戲簡何子敬乞醃菜

瑣瑣復瑣瑣，謀道謀食無一可。大人天矯如神龍，細人局蹐如螺贏。皇皇百計營齋鹽，世間齷齪誰似我。既不學虎頭食肉飛將軍，又不能駝峯犀筋醉紅裙。長將野蔬說奇錯，春筍秋芋評紛紛。拙妻嘲訕婢子笑，可憐先生了不聞。苦思鄉國千里月，夢想牀頭一甕雲。君家醃菜天下知，忍不乞我贖朝饑。丈夫豈當判畛域，仁者況可懷鄙私。炯炯予心天所許，堂堂此理君莫疑。忽憶條侯理入口，黃頭銅山竟偃掇。功高七國安如山，錢布九州浩如薺。當時鼎烹會親賓，後日饑腸作牛吼。今我與子俱不材，懷拘傾筐倒篋開。取與廉惠兩無猜，青天白日森昭回。不醉不飽胡爲哉。

地用莫如馬，二章思賢也。

地用莫如馬，越險思驍騰。豈無汗血種，相求亮未曾。萬鍾繼粟粟，千金贖胸膺。降儀苟一闕，市駿休漫稱。

人用莫如龜，幽室能廢燭。告猶儻見從，外侮敢余毒。從短翻棄長，惜哉支林足。良無藻稅登，不如塗泥辱。

反長歌行

義和驅日如驅豕，鞭之不行汗流泚。頃刻奔馳過百年，老盡世人渠獨喜。渠獨喜，我寄愁已拚一老百無恥。馮夫子，我歌君莫鄙。柏梁銅爵安在哉，盜跖唐堯俱朽矣。北翁得馬知何祥，臧穀亡羊定是誰。平原轉眼成嵩邱，華屋隔宵生荆杞。上蔡黃狗空歎嗟，洛陽銅駝百遷徙。萬事支離那可論，吾生得失亦如此。卻笑張毅空飾文，更憐單豹強治裏。修衷修謀皆虛名，老向人前矜爪髻。君看從古軒赫人，一半名場夸毗子。今晨令問傾王侯，明日枯齧飽蝸蝨。銘功誅德千萬言，可信人間有真史。馮夫子，我歌君且起。君今三十胡皇皇，浮名驅君不自止。顛嗟短景難少延，使得長春寧足恃。世間自有清淨業，日往月來了無累。人迹不到禽不來，萬年廢井養秋水。

漫興

今日今時吾在茲，我兄我弟儻相思。微官冷似支牀石，去國情如失乳兒。見慣浮雲渾欲語，漫成詩句未須奇。徑求名酒一千斛，轟醉王城百不知。

寄弟三首

去年長已矣，來日尚云賒。身弱各相祝，家貧儻有涯。鄉心無住著，望眼久昏花。寥落音書闊，多疑驛使差。

咄咄延平劍，英英江夏黃。求聲方出谷，一別各他鄉。東下江河駛，南征道路長。汝儕身手健，看我鬢毛蒼。

夢裏攜予季，亭亭似我長。三年不相見，一變安可量。神駿初

街轡，牽牛肯服箱。朝朝偷芋栗，知爾足奔忙！

獨出：

匪直完妻好，今年故未寒。晚來歸獨出，宇內一何寬？街尾千人聚，高蹠百馬攢。天街原蕩蕩，辟路亦非難。

訪苗先簾。

大隱東方朔，箬書揚子雲。出門無所詣，落日一從君。倦鳥宜何集？閒鷗亦有羣。烹茶餘幾火，小啜愧殷勤。

懷劉蓉。

我思竟何屬，四海一劉蓉。具眼規皇古，低頭拜老農。乾坤皆在壁，霜雪必蟠胸。他日余能訪，千山捉臥龍。

題畫蘭三首，應田敬堂同年。

淺紅生綃一尺半，描金蘭葉光爛爛。不知誰氏書畫船？遺作君家錦繡段。時棄時取了無憑，花若有情花亦歎。有客對此三沈吟，一夜魂飛洞庭深。故鄉蘅杜知我心。

洛陽三月天如銀，楊花浩浩愁殺人。美人璇閣弄鸚鵡，傷心

不敢當青春。獨對盆蘭訴幽怨，再拜且為花寫真。腕輕著花祇嫌瘦，釧重放葉難為伸。簾外雙雙蛺蝶舞，羨汝自在好要身。閑筆下階傍花立，臨風三嗅馨香泣。

田郎田郎似我孀，反鎖衡門走賓館。三年啖蔗未曾甘，九晚

裁蘭行復滿。不願舉國揚芬芳，但願同心通惘款。晨書小楷眼欲花，午睡醒來日已斜。從容讀畫還煮茶。

贈何子貞前輩。

九疑山水天下清，中有彥者何子貞。大謫老謀不自白，世人誰解此縱橫。八法道卑安足數，君獨好之如珉瑾。終年磨墨眼不眯，終日握管意未平。自言簡筆通性道，要令天地佐平成。怡神金鯽朝吹浪，失勢怒貌夜擣營。同心古來亦有幾，俗耳乍入能無驚。可憐四十好懷抱，空使九州播書名。嗟我波瀾頗莫二，知而不為真不智。捧心恥與時爭妍，畫足久為聖所棄。行當就子更柱弦，可能為吾倒箆筍。去年一諾今未償，舊迹已陳誰復記。世間萬事須眼前，須臾變態如雲煙。煩君一揮清我室，飄逐毒熱無煩煎。高堂巨壁蛟龍走，鄙夫白書欲枕眠。

題唐鏡海先生二圖。

十月戎行圖。

牛世不能學夔皋，裁量帝載歸甄陶。猶當下同郭與李，手提兩京還天子。三年海國困長鯨，百萬民膏餒封豕。諸公密勿既不臧，吾徒迂疏尤可恥。借宗夫子唐太常，今日儒林有正軌。宗傳久已追濂伊，餘事猶堪作臆起。昨來示我戎行圖，回首軍興今一紀。九疑南去山連天，八排撞窳多於螻。揉升鷓伏巢穴緊，青絲白馬風塵駛。籌邊樓下雲屯營，臨賀嶺前雨注矢。先生獨出當九關，磨鍊衆心作高壘。千礮齊震雷破山，萬馬不嘶月如水。先生兀坐了不驚，秉燭從容讀書史。大儒意趣未可量，小醜齷齪安足齒。功成行賞不自言，羞與鴛鴦較尺咫。我覽此圖發長歌，可憐黃髮今皓

歸四海息兵無一事，先生且住安樂窩。

五原學舍圖

大兒垢膩衣短襦，小兒蓬頭語更吃。生長豕戶習繩行，不識詩書定何物。昨者縣門鼓如雷，太守如父從天來。走章馳檄到山寨，要與學俗辨顛顛。皇天於人何厚薄，未必矍矍皆不才。一朝得與冠裳會，青天始見雲霧開。魑魅公然被儒服，笑言啞啞歡且哈。山南伐石千指碎，山北挽木萬牛回。縮版登登日復夜，取次學舍高崔嵬。五原便同石渠閣，百丈似渠通天臺。銅鼓蕙笙雜弦誦，衣冠俎豆何文哉。但願使君長世世，坐看槃瓠成瓌材。豈期文翁難久借，至今蜀國有餘哀。披圖卻憶十年事，富川風物落酒杯。方今聖人舞干羽，溥海懷柔不用武。會崇我丈比桓丁，立使殊方變鄒魯。三老五更古所尊，嗚呼此事非小補。何時虎觀擁皋比，我亦執經走廓廡。

題龍九詩

李唐盛聲律，初響鏗華鐘。逮及下衰時，切切鳴寒蟲。扶輿發朝氣，百葉曜麟龍。缺月夜騰光，不與東昇同。秋霜入科木，色黯蒿與蓬。文章說心腑，本不從竊降。能者自植立，餘子靡隨風。孰於眾音颯，玉振開羣聲。君才美無度，大圭宜廟中。君詩如春融，秋爽亦自工。肉好用爲賢，琢刻生芒鋒。南朝斐然作，山水滌襟胸。雜什多未筆，略可芟彫苒。要道鏤不舍，金木隨所攻。且況力首窮，奧阼辨西東。終然到聖處，今古誰雌雄。

聞客話里中近事

蓬萊清淺信推遷，回首鄉關事可憐。今日朝簪陪末秩，早時社鼓舞華筵。陳平宰國無消息，庾信辭家有歲年。燈燈生涯非我里，滔滔四望極數天。

歲暮雜感十首

殘歲垂垂盡，羸塵逐逐忙。世人同一悔，匪我獨顛狂。身計嗟頻左，家山亦未忘。時猶憂世事，此志固荒唐。

殺氣行南紀，溫風轉北條。陽和迴地幹，神鬼助天朝。挾纊三軍舞，層冰萬里消。小臣長皞皞，無術贊唐堯。

堯皋無並育，天地詎終溫。此日咸陽市，當年上蔡門。風雲悲昔遇，霜露等深恩。聞道南山木，窮冬尙負暄。

壯歲耽經訓，艱難始一隅。力耕無近獲，陟古有通衢。茅塞由來久，蓬生且待扶。國讐猶未雪，何處著迂儒。

四山仙侶會，角逐事廢歌。日日爲詩祟，人人被墨磨。相從良可適，不樂復如何。尙有平生友，飄零在澗阿。

久矣劉生隔，嗟哉信爾賢。才高防作聖，情極屢逃禪。歧路多魑魅，深山足歲年。狂風能作劇，吹我墮君前。

阿弟光明者，愛兒心尙孩。良時無汝共，雅抱向誰開。難就陸雲業，多慚許武才。皇都寧不美，捨去竟何哉。

萬族求饑益，吾謀頗用疏。民生各心性，天道有孤虛。得俸堪加飯，無錢且買魚。逐貧思作賦，才薄欲何如。

浩浩翻江海，爭奔且未闌。古來名利客，誰不到長安。獨立看參昴，橫天如此寒。肯能尋冷淡，夜夜照簷端。

爆竹家家沸，兒時此味長。追歡繡綠蟬，隨例祀黃羊。明日夔龍集，中天日月光。八年吟舊句，回首但蒼茫。

卷二

感春六首

奉君以象白狸，屑之異味。青琴碧玉之妖姬。子復漠然不我與，我今寸意當誰訴。誰散髮狂歌，非鬪醉。枯株兀坐未是癡。手搥黃塵障河決，自有幻想非人知。城南海棠已爛放，牡丹如霧行離披。如此青春忍不賞，直待白髮寧可追。

今我不歡子不悅，攜手天街踏明月。西南白氣十丈長，銳頭突尾射天狼。東方狗國亦已靖，復道羣鼠舞伊涼。徵兵七千赴羌隴，威棱肅厲不可當。國家聲靈薄萬里，豈有大輅阻犀螳。立收烏合成齏粉，早晚紅旗報未央。嗚呼天意正如此，小儒不用稽災祥。男兒讀書良不惡，乃用文章自束縛。何吳朱邵不知羞，排日肝腎困鎚鑿。河西別駕酸到骨，昨者立談三距躍。老湯語言更支離，萬兀千搖仍述作。丈夫求志動渭莘，蟲魚篆刻安足塵。賈馬杜韓無一用，豈澆吾輩輕薄人。

明珠二百斛，江湖三十年。徧求名劍終不得，耳聞目見皆鈍鉛。聞道海外雙龍劍，神光夜夜燭九天。沱氣妖星不敢逞，橫斬蛟

鐘血流川。天子寶之無倫比，列置深殿闔風前。千金萬金買玉匣，火齊木難嵌中邊。元臣故老重文學，吐棄劍術如腥膻。如今君王亦薄恩，缺折委棄當何言。

蕩蕩青天不可上，天門雙螭勢吞象。豺狼虎豹守九關，厲齒

磨牙誰敢仰。羣鳥啞啞叫紫宸，惜哉翅短難長往。一朝孤鳳鳴雲中，震斷九州無凡響。丹心爛漫開瑤池，碧血淋漓染仙仗。要令惡鳥變音聲，坐看哀鴻同長養。上有日月照精誠，旁有鬼神瞰高朗。

太華山頂一虬松，萬齡千代無人蹤。夜半霹靂從天下，巨木飛送清渭東。橫臥江干徑十里，盤坳上有層雲封。長安梓人駭一見，天子正造咸陽宮。大斧長繩立挽致，來牛去馬填坑硤。虹梁百圍飾玉帶，螭柱萬石捲金鐘。莫言儒生終齷齪，萬一雉卵變蛟龍。

元戎

大旆元戎喜起歌，舊時鼎鼐藉調和。豐貂長組朝金闕，駟馬瑠弓照塞河。黃閣居然元老在，蒼生竟奈此人何。誰憐寂寞揚雄宅，獨抱繁憂臥薛蘿。

溫甫讀書城南寄示二首

十年長隱南山霧，今日始爲出岫雲。事業真如移馬磨，羽毛何得避雞羣。求球采玉從吾好，秋菊春蘭各自芬。嗟我蹉跎無一用，塵埃車馬日紛紛。

嶽麓東環湘水迴，長沙風物信佳哉。妙高峯上攜誰步，愛晚亭邊醉幾回。夏后功名餘片石，漢王鐘鼓撥寒灰。知君此日沈吟

地是我當年眺覽來。

早發沔縣遇雨

此身病起百無憂，敢爲艱難一怨尤。曉霧忽飛千嶂雨，西風已作十分秋。近知地利真堪恃，早信人謀不自由。暗日定軍山下過蒼天一望故悠悠。

初入四川境喜晴

萬里關山睡夢中，今朝始洗眼朦朧。雲頭齊擁劍門上，峯勢欲隨江水東。楚客初來詢物俗，蜀人從古足英雄。臥龍躍馬今安在，極目天邊意未窮。

爲何大令題明趙忠毅公鐵如意

君不見，天啓初載國步頻，逼迫英彥如束薪。龍章鳳姿膏斧，狐鳴梟噪騰要津。大璫滔天不足道，羣小羅拜馬頭塵。執笏無因，殛元惡，請劍未許梟佞臣。航航趙公天所鑿，年年磨鐵影隨身。世事萬端不稱意，惟有此鐵還可人。誓將袖椎擊逆豎，休教鑄錯污君親。星光睽趨朝夜，霜氣稜稜拜疏晨。一回摩挲一灑淚，寸心如石腸如輪。高皇有靈尙來鑿，小臣此志何由伸？一朝荷戈西出塞，辜負白鐵悔因循。茄花枯盡委鬼滅，可憐明社亦荆榛。二百年來餘此物，萬劫不敝唯精神。世人蠢蠢寶珠玉，如君乃獲希世珍。老鐵耐寒終得主，豈有正氣長鬱鬱。請君雪夜倚闌看，金精上擲撼星辰。

贈李生

岷山萬仞雪，太古人迹稀。中有窈窕谷，綠蕙芳以菲。幽芬亦已鬱，賞識方庶幾。湖邊棘荆滿，山上春草肥。託根亮同地，豈辨誰是非？地亦不能易，香亦不能飛。忽逢荷樵子，采擷益裳衣。臨風再三嗅，俯仰情依依。由來有臭味，不必崇知希。

桂湖五首

新都桂湖，明楊升庵修撰故宅也。使旋過此，縣令張君宣亭招飲湖上，爲賦此詩。

遂別華陽國，歸程始此際。翻然名境訪，來及夕陽斜。翠竹偃寒蟬，丹楓噪暮鴉。詞人云異代，臨水一咨嗟。

短城三面繞，淺水半篙寒。鳥過穿殘日，魚行起寸瀾。秋來樓閣靜，幽處地天寬。半昔江湖性，眞思老釣竿。

十里荷花海，我來吁已遲。小橋通野港，壞艇臥西陂。曲岸能藏鷺，盤澗尙戲龜。傾城遊女盛，好是采蓮時。

矮桂枝鉤袖，叢篁葉打頭。隄行皆仄徑，路斷得高樓。欄檻千迴錦，玻璃五色秋。落霞沈水底，綺散不能收。

頗憶家山好，去鄉茲六年。此閒行樂地，小有洞庭天。點綴須人力，招尋信妙緣。使君殊不俗，把酒意茫然。

梓潼道中有懷馮樹堂陳岱雲

複幃七盤相約束，清流九曲與周遭。日高旌旆鳥蛇亂，秋老爪牙鷹隼豪。北望幽燕天漠漠，東歸歲月水滔滔。江山如此知交隔，獨對菱花數二毛。



早發武連驛憶弟

朝朝整駕趁星光，細想吾生有底忙？疲馬可憐孤月照，晨雞一破萬山蒼。日歸曰歸歲云暮，有弟有弟天一方。大壑高崖風力勁，何當吹我送君旁。

入陝西境六絕句

西風已謝朔風適，客子勞勞且未休。行過嘉陵三百里，飛崖絕壁又秦州。

破曉七盤山上望，回看蜀國萬峯環。英雄割據終何有，陵谷滄桑事等閒。

亂山合處響沈沈，古洞千年海樣深。獨臥籃輿初夢覺，時聞躡底老龍吟。

忽憶老筠吾匹儔，汨羅江上苦吟秋。未成嘉會方王貢，便恐才名駕應劉。

江流日夜走荆襄，隴蜀由來四戰場。故壘無人談往事，空山有客弔斜陽。

七二寒谿沒軒深，谿邊茅屋隔楓林。歸人正怯征衣薄，又聽山城響暮砧。

西征一首，呈李石樞前輩

我昨賦西征，燼燼實朱夏。烈日焚八荒，息影無寸暇。孱體甘所侵，炎威肯少借。一病罹百艱，煩煎竟日夜。夙昔傷勁弓，聞弦神已怕。豈志事呻吟，魯儀任嘲罵。瘧疫難指名，熱寒互嬾謝。粒食經

旬辭，況能問燔炙？帶月方首塗，參橫未云罷。顛簸筓輿中，磋磨破腰膀。奴子蒼黃詢，唐醫再三詫。猛然肆造攻，云當一戰霸。惡秀雖已鋤，良苗亦失稼。隔旦嗜其疲，無復平生咤。皮皴面有瘡，耳聾氣愈下。慘澹過潼關，沈昏渡清灞。赫赫李中丞，觥觥范韓亞。老罷臥三邊，犬羊敢狙詐。聞我至驪山，材官百里迓。秋雨長安邸，征鞍庶一卸。旅魄頗飄搖，公來百慰藉。遣僕炊香粳，呼僮伺館舍。徵醫未辭頻，饋物不論僧。古誼暖於春，美言甘於蔗。我魂稍稍旋，望蜀仍命駕。裹藥充篋筐，買餼養嬰姪。漸覺身能輕，如馬脫韁韉。吾固慶生存，衆難亦嗟訝。燕譽多親知，艱難少姻婭。永媿夫子賢，高情壓嵩華。賤子不足矜，西人實沾化。

留侯廟

小智徇聲榮，達人志江海。咄咄張子房，身名大自在。信美齊與梁，幾人飽葢醢。留邑茲巖疆，亮無懷璧皇。國仇亦已償，不逞當何待？鬱鬱紫柏山，英風渺千載。遺蹤今則無，仙者豈予給。竭來瞻廟庭，萬山雪嵯峨。赤日巖中生，照耀金銀彩。亦欲從之遊，惜哉吾嬾怠。

柴關嶺雪

我行度柴關，山光驚我馬。密雪方未闌，飛花浩如瀉。萬嶺堆水銀，乾坤一大冶。走獸交橫奔，凍禽竄荒野。揮手舞巖巔，吾生此瀟灑。忽憶少年時，牽狗從獵者。射虎層冰中，窮迫絕壁下。幾歲馳虛名，業多用逾寡。久逸筋力頹，回頭淚盈把。